

明末野史



明末野史



明末野史

行在陽秋

隆武丙戌二年冬十月十四日。永明王監國肇慶。以明年為

永曆元年。

御諱由榔。神宗孫。

端王生四子。長由檢。次由松。俱為獻賊所

害。三由梧。封安仁王。以病薨。四永明王。即

上也。天資聰明仁厚。皇考自衡徙梧。以病薨。上居苦次。會隆武蒙塵。報至。兩廣總督丁魁楚。廣西巡撫瞿式耜等。謂天下不可一日無君。乃迎桂嗣王。至肇慶立之。以府署為行宮。頒詔楚滇黔蜀。

閣輔蘇觀生自南雄撤兵還廣州。閣臣何吾騶自閩遁歸青山。加丁魁楚東閣大學士。兵部尚書瞿式耜。東閣大學士。吏部尚書。

魁楚原任兩廣總督。兵部尚書右副都御史。兼吏部右侍郎。賜券劍。進平粵侯。以吏部右侍郎入閣。攝尚書事。兼戎政。式耜原任廣西巡撫。兵部右侍郎。今以禮部尚書入閣。兼兵部尚書。掌銓事。

封李明忠武靖伯南詔。

以許德生為潯州推官。監明忠軍。明忠江西人。狼兵帥也。初奉隆武詔。協勦江西。八月率潯州兵六千至肇慶。九月至三水關。隆武汀州之變。返肇慶。預推戴。

原任兵部尚書東閣大學士呂大器。自閩赴行在。仍用原官辦事。旋以病致仕。原任兵部尚書守制李永茂。赴行在。

上隆武皇帝尊號曰思文皇帝。后曰思文皇后。

擢原任福建布政吳炳為戶部尚書。

督師兵部尚書右副都御史何騰蛟等。公疏勸進。

隆武朝。騰蛟進定興侯。賜劍。駐軍長沙。楚撫兵部右侍郎右副都御史堵胤錫。受隆武命。督雲貴師。會聞汀變。騰蛟胤錫公疏。達行在。

補馬吉翔。郭承昊。嚴雲從。吳繼嗣等。為錦衣衛使。

吉翔北直人。繼嗣涿鹿人。崇禎十六年。獻賊陷衡州。皇考皇兄。及上僭宮嬪。自永州奔粵西。行李蕭然。過道州。道人不納。及羈縻行。駕以索賂。及賊

入城。吳繼嗣亦失所佩州印。賊踞城四十餘日。無兵衛。繼嗣密約粵西鎮楊國威引兵復城。國威過道州。覓得州印。繼嗣

金冊獻之。

進武崗伯劉承胤武定侯。

以王坤為司禮監秉筆大監。

坤故北閣。自閣來奔。

十一月癸卯朔。日有食之。

進何騰蛟武英殿大學士。加太子太保。

得贛州敗報。司禮太監王坤請駕移蹕梧州。大學士瞿式耜諫止之。

唐王自立于廣州。改元紹武。以蘇觀生為大學士。

觀生過三水。不赴肇慶。而

臣以觀生無推戴意。拒之。適唐王與淮王

航海而至。觀生遂奉唐王監國。

遣兵科給事中彭耀入廣州。諭唐王去帝號。不從。耀遇害。

故大學士陳子壯廣州人。移書瞿式耜。請興師東向。以靖唐藩。式耜以聞。

上曰。先遣官諭之。俟其拒命。討之未晚也。蘇觀生既殺耀。日集兵向肇慶。而

清兵因得乘間窺潮惠矣。兵科給事中陳邦彥同權受命入廣州。聞權死乃還。

以林佳鼎為總督兵部侍郎。勅唐藩

王為興宗皇帝。追母王太妃為太后。立妃王氏為皇后。大赦天下。進瞿式耜文淵閣大學士。以朱容藩掌宗人府事。

遣錦衣衛嚴雲從護送三宮居桂林。勅靖江王防守。

授陳子壯中極殿大學士。兵部尚書。節制兩廣江西福建湖廣軍務。賜尚方劍。便宜行事。

二十日壬戌。李成棟入潮州。

惠州。

進蕭琦兵部尚書。晏日曙工部尚書。周光夏都御史。李用楫等為各道御史。補原任少詹兼侍讀朱天麟翰林院學士。

二十九日。總督林佳鼎捷于三水。

唐王遣督師陳際泰歐陽

軍于三水城西。將犯行在。武靖伯李明忠自

韶州入援。

水大捷。俘斬八百餘級。際泰遁去。

十二月初三日。總督林佳鼎兵潰於海口。監軍夏四敷赴水死。

佳鼎不知所在。或曰與四敷同赴水死。三水之捷。佳鼎有驕色。督兵晝夜兼行。唐王兵偽降。誘其水師至海口。適東南風大作。唐王兵以火攻之。佳鼎等盡登岸列營。泥淖深三尺餘。人馬盡陷。兵大潰。李明忠二三十騎奪路去。許德生被獲。至廣州繫獄。明忠尋降于清。後復反正。

特授王化澄兵部右侍郎兼都御史。總督粵師。周鼎瀚兵科給事中。

化澄原任以御史巡粵。加大理卿。鼎瀚原任戶部郎中。上以林佳鼎失事也。化澄鼎瀚皆以內批用。瞿式耜奏內批用人非興朝舉動。上不允。

進原任兵部尚書李永茂。

知經筵。

永茂以守制不入直。專知經筵。永茂疏薦鄉望十五人。御史劉湘客與馮大監王坤啟視不悅于十四人。悉塗抹其名。湘客遂黜。永茂怫然以去。爭之。瞿式耜奏大臣諭薦。固其職。司禮輒去取其間。何以服。御史何以安。大臣坤復疏薦海內名卿數十人。式耜曰。司禮抑人。固不可。薦人更不可。後湘客改官編修。充經筵講官。

加王化澄兵部尚書。

旨杖御史童琳辱科臣劉鼎等職。大學士瞿式耜疏寢之。

琳劾都御史周光夏私亂臺規。旨下廷杖。式耜曰：新政未布，何可杖言官。

上從之。鼎等以劾司禮監王坤落職，賴式耜疏救得賜環。

中允方以智棄官去。

王坤疑劉鼎疏出智手，故以智力求去。

十五日，清取廣州。

清將佟養甲、李成棟遣游擊龐起龍偽為援兵，求入城。城內信之，遂蜂擁而

入。內兵登城戰一晝夜，擒斬清游擊王士選。清兵欲退，會有內應，遂陷。唐王

禮獲自盡。周益諸王俱遇害。蘇歸生自縊死。許德生降于北。紹武守臣忠惠

伯王之臣、大學士何吾驕及顧元鏡、洪天權、潘曾緯、李綺、曹燁、耿獻忠、毛毓

祥等俱降。其在籍剃髮降者為李覺斯、王應華、梁應材、伍瑞隆等。又葉廷祚

曾道唯、陳世傑、關捷先等俱降。

清狗東莞新會等縣。

二十五日。行在得廣州陷報。上乘輿出城。駕小舟如西峽。傳幸梧州。大學士瞿式耜從駕而西。丁魁楚走岑溪。王化澄走潯州。

清兵薄廣城且急。式耜方典選。請視師督戰。駐峽口。王坤復趨。上西避之。式耜夜乘小舟留駕曰。吾兵水陸。竟至三水。可上下。楹也。爭之不得。請身留肇慶。宗人府朱容藩奏曰。左右所恃者。惟式耜一人。式耜留守。則上行益孤。上舟西。式耜部署五日。疾趨梧。上西行又五日矣。魁楚惑于奸弁。蘇聘從梧入岑溪。化澄攜中樞走潯州。西上護蹕者。惟式耜一人。兵部尚書李永茂。工部尚書晏日曙。太僕卿田芳走博白。清以降撫曾燁。仍巡撫廣西。

燁歙縣人。庚辰進士。

改廣州知州陸世廉于梧州。

授熊兆璧兵部主事。

兆璧廷弼子也。原任容縣知縣。旋棄官去。

授孫順則辰州分守道。

清師攻湖湘。命督師何騰蛟率楚師禦之。命大學士瞿式耜轉粵西餉濟師。駕至梧州。

封王國璽武靖侯。王維恭華亭侯。

以國戚故也。

元年。訂春正月癸卯朔。駕在梧州。

時戶部尚書吳炳。翰林學士方以智。朱天麟。文選司郎中吳貞毓。給事中唐誠。張起。御史程源。中書舍人吳其彥。洪士彭。錦衣衛馬吉翔等俱從。

命魯王總理南北直省錢糧軍馬恢復事。文武爵賞俱聽便宜行事。封陳邦傅思恩侯。焦璉新興伯。

駕發梧州。

上自梧州北幸桂林。閣部瞿式耜從行。上欲府江達桂林。兵衛寥寥。梧州

府知府陸世康。催募舟夫以進。式耜扈駕西行。夜泊昭平界板灘。

原任兼右都御史巡撫廣信張家玉。起兵東莞。兵部職方司主事陳邦彥。起兵復順德縣。

丁未月食。

出東鄉兵攻莒州。

十六日李成棟陷肇慶。

駕幸桂林。

兵部主事陳邦彥招降日行灘余龍等水師。焚清艘百餘于東莞。直抵廣州境。李成棟返救。故乘輿得達桂林。

劉湘客曰。上于正月幸桂林。式耜肅堂陞救守禦。誕告楚蜀各路。征鎮粵西。居山川上游。清不能仰面攻明矣。兵士雲屯。湖南北立需戰。粵南大通滇。柳慶出黔。左右江四十五洞。土狼悍勇。誓國家威惠。三百年撫粵。悉受銜縻。足支內侵。桂城為明粹都。疏請道里之可達。行在者。

加瞿式耜太子太保。駐梧江。

二十三日。虜陷高雷廉三州。

東莞張家玉聚眾入海。

潮惠二州。林舉賢陳耀起兵。眾至萬人。

二十九日虜陷梧州。

潯州守將李明忠。平樂守將李承忠。俱以兵降北。

承忠。或作承志。

叛將杜永和犯岑溪。平粵公丁魁楚督戰。墮水死。

魁楚有兵千餘屯岑溪。李成棟遣副將杜永和招之。不至。永和。水陸兼進。魁楚與戰于藤江。中矢走死。

二月壬申朔。潮州賴天肖起兵。叛將文貴。陳虎。余成隆來戰。擊敗。斬之。韶州。陳順簡。信起兵。惠州。蘇乘起兵。新會。鄉紳黃奇策起兵。

清道沙遠。勦撤奇聖來招撫之。奇策斬之。

進吳炳方以智東閣大學士。同入直。

以智旋罷去。

以原任吏部侍郎王錫衮。禮部尚書文安之。為東閣大學士。

以周堪。賡。郭都賢。劉遠生等。為各部尚書。以毛壽登。吳德操等。為御史。丁時魁。禮科給事中。金堡。禮科都給事中。兼職方員外。補萬六吉。為給事中。蔡之俊。翰。

林檢討。

初八日己卯。海師攻福州。叛將張應夢出戰。海師遁。

鄭彩周崔芝合兵攻漳平。不克。總兵陳國祚力戰死之。

十一日壬午。月掩歲星于東井。

孫守法屯兵長安石鰲谷。

陳邦彥師次高平。

邦彥遣馬應房以舟次攻順德。

鄭彩克漳浦。擒斬虜官許國男。

海師攻興化。叛將張應元逆戰而走。

晉劉承胤安國公。曹志建永國公。焦璉新興侯。守桂林。

十五日丙戌。駕幸全州。敕新興侯守桂林。

上幸桂林。復謀移蹕。大學士瞿式耜力爭。勿聽。竟出全陽。

二十三癸巳。海師次福清。不克。

圍城三日。叛將李心裕兵出北門。遂走。

二十四日甲午。林舉賢陳耀攻廣州。不克。陳斬清將劉朝用。周一鳳而去。
丙戌。清取長沙。

知縣王宸。縣丞楊日新降。

丁酉。清取湘陰。

王進才大掠湘陰而遁。清兵遂入城。縣丞扶雲龍迎降。
督師何騰蛟師次衡山。

騰蛟檄張光璧黃朝宣等援長沙。俱不至。朝宣走衡州。

是月。安國公劉承胤朝行在。

詔幸永州。

駕至全州。楚將劉承胤欲擁入桂林。太后不允。遂幸永州。

三月壬寅朔。犂虜伯孫守法復宜州。

大學士瞿式耜自桂平還桂林。

時警報狎至。上念式耜元臣。諭趣治裝從行。式耜謝曰。君以仁。臣以義。奉命守此土。得與此土共存亡。于是從官皆行。式耜獨守。

甲辰。李成棟再臨順德。敗余龍于黃蓮。焚其舟數百。馬應房戰死。
丁未。賴熊攻復建陽。

清兵逼梧州。陳邦傳棄平樂走。

敕大學士瞿式耜留守桂林。賜尚方劍。節制諸軍。

王坤趣

上幸楚。式耜泣諫不挽。無已。請身留桂。故有是命。式耜仍疏請

上暫蹕全州。以扼粵之中。內外兼顧。

戊申。瀏陽伯董英降于清。

自瀏陽出降。

壬子。清以耿藩伯為廣西巡撫。

乙卯。清兵薄桂林。攻文昌門。守將焦璉禦却之。

初。平樂不守。清兵直上。至是乘虛。數十騎衝入文昌門。城中大恐。式耜急呼璉出。璉自全州歸。休息未定。從數人控弦挺刃。與清兵逼清兵上城樓。式耜署在樓下。亟緘之。璉矢無虛發。應弦而斃者半。餘者走。璉短兵相接。追殺數人。且盡。清隊遂不敢近城。城中始定。是時清兵自東上昭澤。省會逃奔。虛無。

人跡。上在全州念首輔。且馳驛召還。而留守堅誓與清兵角。拒尤急。時清兵衝陣而式耜出守文昌門。調度自如也。是時督師何騰蛟治兵衡湘。老將重兵悉屯湖南。北聲援弗及。式耜獨毅然誓嬰城而守。親帥大將焦璉掩其不備。砲矢夾發。虜鋒大挫。

安國公劉承胤遣兵援桂林。

清取陽朔。遍野雜髮。式耜與璉危城孤守。疏請徵承胤兵。承胤初從武崗入護。猶尊朝廷。逐司禮監王坤弄權。面叱周鼎瀚為奉奄。寺鼻息。故雅重式耜。發兵數千援桂。

襟錄云。北來高副將入桂林。掠瞿式耜資裝。為總兵陳邦傳焦璉所殺。邦傳遂出兵破貴縣。入潯州。明忠走邦傳。破興業。劉鴻烈圍鬱林。焦璉據桂林。破陽朔。

戊午。張家玉克東甯。
己未。周崔芝攻闕安。

兵部尚書詹兆恒攻開化。叛將李榮逆戰。兆恒兵敗死之。

壬戌。張家玉克新安。

家玉至新安西鄉。與陳邦傳策屯兵白石。

癸亥。督師何騰蛟破清兵於辰州。

一作庚申

甲子。林質破德化。

乙丑。林質破建陽。叛將蔡應科以兵逆戰。質戰敗被執。死之。

監軍陳邦彥復清遠不守。

夏四月壬申朔。清撫耿藩伯兵入梧州。

耿至梧州。攻取陽朔。而西失藤縣。北敗于桂林。不敢進前。

江西大旱。

詔進張家玉兵部尚書。提督嶺東軍務。聯絡漳湖。兼副都御史。

癸酉。清取衡山。總兵陳四明降北。

乙亥。清取瓊州。

叛將關可義陷之。

封錦衣衛郭承昊馬吉翔嚴雲從為伯。革御史毛壽登等職。劉承胤挾上如武